

ՍՏԵՓԱՆ ԿԵՐՏՈՂ

ՆՐԵԱՆԵՐԻ՝ ՆԱՅ ԵԿԵՂԵՅՈՒ ԾԵՍՈՎ ՔՐԻՍՏՈՆԵՈՒԹՅԱՆ ԸՆԴՈՒՆՄԱՆ ՇՈՒՐՁ

ԺԸ-ԺԹ. դդ. Ռուսաստանի հրեաների կողմից Նայ առաքելական եկեղեցու ծեսով քրիստոնեության հավաք ընդունելու խնդիրը գործնականում հեղադրված է:

Լինելով հինավուրց ժողովուրդների ներկայացուցիչներ՝ հայերը և հրեաները ապրել են հարևանությամբ, և նրանց ճանապարհները հաճախ հատվել են փոխադասության փոքրեր ասպարեզներում:

Միջին դարերում հրեաները հայերի հետ ապրում էին կողք-կողքի, սահմանակից քաղաքներում, հարստացնելով Կիլիկյան հայկական պետության փոքրասական հիմքերը: Ավելի ուշ ժամանակներում հայերը և հրեաները բնակվել են Նին Նախիջևանում, Թիֆլիսում, Բաքվում, Լվովում և այլ քաղաքներում ու վայրերում: Դրա հետ մեկտեղ, լինելով փոքրեր հավաքների՝ հուդայականության և քրիստոնեության ներկայացուցիչներ հրեաներն ու հայերը ապրում էին ինքնավար, յուրաքանչյուրը իր սահմանափակ կրոնաէթնիկական քաղաքում, նրանց միջև կարծես գոյություն ուներ փոխհարաբերությունների սահմանափակում:

Տեղին է ընդգծել, որ հայերը մեկընդմիջ պահում են մնացել հակահրեական քաղաքացիությունից և ոչինչ չեն արել ի վնաս հրեաների: Եւ ակամայից զարմանում ես կարդալով Իսրայելում 1991 թ. հրապարակված «Կովկասում հրեաների պարամությունը» երկհատուրանոց աշխատանքը, որի հեղինակն է պրոֆեսոր Իցխակ Դավիդը:

Առաջին հատրքի 278 էջում հեղինակը գրում է. «Անհրաժեշտ է ընդգծել, որ Նարավային Դադստանի և Ադրբեջանի շար գյուղերի (Մոջո, Նուխի, Վարդաշենի) ազգաբնակչությունը խառնակազմ էր՝ այսպեղ ապրում էին թաթարներ, հայեր, հրեաներ: Նայերը, հրեաների նման (Նուխի, Գուսարի), նեղվում էին մահմեդական թաթարների ճնշումներից: Բացի այդ հայ - հրեական հարաբերությունները շար լարված էին: Նաճախ քեղի էին ունենում արյունալից ծիսական գրադարություններ, որոնք դրդվում էին քեղի հայ հոգևորականության կողմից՝ ընդդեմ հրեաների»¹:

1870 թ. Կովկասով ճանապարհորդում էր Փարիզի Ասիական ընկերության անդամ հրեա Գ. Չյորնին, որն իր ձեռքին ուներ Տիեզերական հույն պարրիարք Գեորգիի ուղերձը հույն ժողովրդին, որի մեջ եւս նախատում էր հույներին նրանց այն կասկածանքի համար, որ հրեաները ծեսի ժամանակ օգրագործել են քրիստոնյա երեխաների արյունը:

Իր ճանապարհորդության ժամանակ, ցանկանալով հայրնաքեղել հրեական հին ձեռագրերը, Գ. Չյորնին այցելեց Մայր Աթոռ Սուրբ Էջմիածին և 1870 թ. օգոստոսին ընդունվեց Ամենայն Նայոց Գեորգ Դ Կոստանդնուպոլսեցի Կաթողիկոսի կողմից: Ընդունելության ժամանակ Գ. Չյորնին Վեհափառից խնդրեց հույն պարրիարքի նման կոն-

1 **И. Давид**, *История евреев на Кавказе*, изд. «Кавказиони», 1991, с. 278.

դակով դիմել իր հոգիին²: Գևորգ Դ. զարմացավ նման խնդրանքից, այնուամենայնիվ նա 1870 թ. օգոստոսի 16-ին հռչակեց իր թիվ 272 կոնդակը, որում չթաքցված զարմանքով գրում էր Գ. Չյոբեյի խնդրանքի մասին: Որ նա «...խնդիր հայցուածոյ. զի ընդհանրական նամակաւ առ մեր ազգեացն հրաման հապուցեմք լոցա գգուշանալ ի նեղեղոց եւ մի հալածեղոց զազգին Նրէից: Առ որ քուսք մեր զպարշաճականն պարասխանի, թէ որով հեկու ազգս մեր առ հասարակ պինդ ունենալով զԱնկարանին սրբոյ վարդապետութիւնս՝ պարտ անձին ծանուցեալ է միշտ եւ ճանաչէ մի՛ գոք խօսել, եւ մի՛ գոք զրպարել, այլ մանաւանդ բարի աւանդել ամենեցուն եւ ամ[ենայն] մարդկան անխորաբար ապաքնէ գործ մի քարապրիպ վարկանիմք հրապարակել առ նա զայդմանէ առանձինն ինչ պարտէր հրամանի»³:

Այնուամենայնիվ, ԺԹ. դ. երկրորդ կեսից սկսած Ռուսական կայսրության մեջ երկու ժողովուրդների փոխհարաբերություններն ավելի աշխուժացան: Նուդահավաքք հրեաները օգնություն ստանալու նպատակով դիմեցին հին քրիստոնեական Նայ Առաքելական Եկեղեցուն (այն ժամանակ ժուս կառավարող օղակների կողմից սխալմամբ անվանված Նայ լուսավորչական՝ գրիգորյանական եկեղեցի), սկզբից մի բանի հրեա, իսկ հետո՝ հարյուրավորներ, որոնց նպատակն էր թողնել հուդայական հավաքը եւ ընդունել Նայ Եկեղեցու դավանանքը եւ մկրտվել Նայ Եկեղեցու ծեսով:

1999 թ. Վ.Միքայելյանի հրապարակած «Ինչու եւ ինչպես ռուսական հրեաներն ընդունում էին քրիստոնեությունը հայկական ծեսով (1910-1915 թթ.)» գրքույկում, հիմնվելով Ռուսաստանի Պետական Կենտրոնական Պարմական արխիվի նյութերի վրա, Ռուսաստանի հրեաների անցումը Նայաստանյայց Եկեղեցու գիրքը սահմանափակում է 1910- 1915 թվականներով⁴: Դա ոչ լիարժեք տեսակետ է: 1988 - 2002թթ. Նայաստանի արխիվներն ուսումնասիրելիս, մենք հայտնաբերել ենք փաստաթղթեր, որոնք վկայում են, որ հրեաների՝ Նայ Եկեղեցու ծեսով մկրտվել ցանկացողների առաջին դեպքերից մեկը տեղի է ունեցել 1874 թվականին: Այդ տարվա փետրվարի 18-ին Երևանի նահանգի Ալեքսանդրապոլի գավառի բնակիչ հրեա Իսմայիլ Այվազյանը խնդրանքով դիմել է Երևանի թեմական կոնսիստորիային՝ խնդրելով իրեն մկրտել «հայ հավաքի ծեսով»: Այդ դիմումը բավարարվել է Ամենայն Նայոց Կաթողիկոսի կողմից⁵:

Ռուսաստանում բնակվող ազգություններից միակը հրեաներն էին, որոնց բնակության վայրն ինքնուրույն ընտրելու իրավունքը սահմանափակ էր: Այդ մասին առաջին անգամ հիշատակվել է 1791թ. դեկտեմբերի 23-ին, Եկատերինա II կայսրուհու հրամանգրում, եւ որոշվել էր Ռուսական պետության տարածքի այն մասը, ուր թույլատրվում էր հրեաների մշտական բնակությունը:

Նուդայադավան հրեաներին Ռուսական կայսրությունը թույլ չէր տալիս արեւմտյան մարզերից տեղափոխվել Կովկաս, այսինքն՝ նստակեցության տարածքից դուրս, ինչը

2 Տե՛ս անդ, հ. 2, էջ 109:

3 Նայտրանի ազգային արխիվ (ՆԱԱ) ֆ. 57, գ. 16, թ. 16:

4 Տե՛ս **В.Микаелян**, *Почему и как российские евреи принимали христианство по армянскому обряду (1910-1915гг.)*, Ер., Наири, էջ 77:.

5 Տե՛ս ՆԱԱ ֆ. 56, ց. 1, գ. 6434, թ.1:

նրանց համար առիթներից մեկը դարձավ քրիստոնեությունը Նայ Եկեղեցու ծեսով ընդունելու համար:

Ռուս Ուղղափառ եկեղեցին չէր խրախուսում ևս հաճախ խոչընդոտներ էր ստեղծում, որպեսզի հրեաները ուղղափառություն չընդունեն և վերջիններն իրենց հայացքներն ուղղեցին դեպի Նայ Առաքելական Եկեղեցի:

1889 թ. հոկտեմբերի 18-ին Վրաստանի հայկական թեմական կոնսիստորիային դիմեց Թիֆլիսում բնակվող հրեա Աննա Կոբզովան՝ խնդրելով իրեն մկրտել Նայ Եկեղեցու ծեսով: Նույն փարվա նոյեմբերի 1-ին թեմական կոնսիստորիան Ա. Կոբզովային մկրտելու վերաբերյալ թույլություն ստանալու համար դիմեց Ս. Էջմիածնի սինոդին, որն իր հերթին 1889 թ. դեկտեմբերի 27-ին թույլության համար դիմեց Առվկասի կառավարչապետի քաղաքացիական մաս: Ծանր հիվանդության պարճառով 1890 թ. նա մկրտվեց Նայ Եկեղեցու ծեսով⁶:

1891 թ. հունիսի 19-ին Վիրահայության թեմական կոնսիստորիային դիմեց Մոգիլեյան նահանգի Շկյով գյուղի բնակչուհի Զելդա Յանկիլի Ռուբինշտեյնը, որը ցանկանում էր «ընդունել հայ - լուսավորչական հավաքը և մկրտվել Նայ - լուսավորչական Եկեղեցու ծեսով: Սրա հետ ուղարկվում է նորարարական վկայական, որի համաձայն նա չի պարկանում ուղղափառ հավաքին»⁷: 1891 թ. հուլիսի 1-ին Զ. Յ. Ռուբինշտեյնն ընդունվեց Նայաստանյայց Եկեղեցու ծոցը:

1893թ. մայիսին Ս. Էջմիածնի Սինոդին դիմեց Շամախիի թեմական առաջնորդ Մեսրոպ եպիսկոպոսը՝ խնդրելով թույլատրել Բաբու քաղաքի բնակիչ 26-ամյա հրեուհի Մարիա Սանդլերին ընդունել Նայ Եկեղեցու գիրքը՝ նշելով, որ Մ. Սանդլերը «ինքնուրույն, կամաւոր ևս հոգու ցանկութեամբ» է ընդունում Նայաստանյայց Եկեղեցու դավանանքը⁸: Նույն թվականի նոյեմբերի 25-ին Առվկասի կառավարչապետի քաղաքացիական մասով օգնականը թույլատրեց Մ. Սանդլերին մկրտվել Նայ Եկեղեցու ծեսով:

1893 թ. մայիսի 12-ին Վիրահայության թեմական կոնսիստորիային դիմեց Բաքվում բնակվող, Օդեսա քաղաքի պարվավոր քաղաքացի հրեա Էմանուել Մոդոմոնի Լեոնետունը. «Ներքին համոզմունքով հուղայությունից անցնել Նայ-լուսավորչական Եկեղեցու ծոցը»: Իր խնդրանքի հետ միասին նա ներկայացրեց «12 մարդկանց և նորարի կողմից կնքված վկայական այն մասին, որ ինքը մինչև այժմ ոչ մի եկեղեցում չի մկրտվել»⁹:

1893 թ. նոյեմբերի 5-ին Առվկասի կառավարչապետի քաղաքացիական մասով օգնականը թույլատրեց Է. Լեոնետունին, իր ցանկության համաձայն, հուղայությունից անցնել Նայ Եկեղեցու դավանանքին:

Ներքին Խաթունարիս գյուղում ապրող հրեա վերաբնակիչ Ռահիմ Սահակյանը 1893 թ. հունիսի 15-ին Էջմիածնի Նայ լուսավորչական սինոդին իր խնդրագրում մասնավորապես գրում էր. «Երկար ժամանակ ապրելով հայկական գյուղերում ևս հետաքրքրվելով նրանց հավաքով և եկեղեցական ծեսերով՝ այդ հավաքը ինձ շատ դուր եկավ:

6 ՏՆՆ ՆԱԱ Փ. 56, ց. 1, գ. 8562, թ. 3:

7 ՆԱԱ Փ. 56, ց. 1, գ. 8710, թ. 1-5:

8 ՆԱԱ Փ. 56, ց. 1, գ. 8885, թ. 1-6:

9 ՏՆՆ ՆԱԱ Փ. 56, ց. 1, գ. 8891, թ. 1-2:

Եւ իրականում նա պարունակում է ուղղահաւաք եւ շար ժամանակ է հարկացնում ապաշխարանքին՝ մեղքերի թողությանը, ինչպէս նաեւ հաւերժ երանելի կյանքի ժառանգությանը: Ես, որպէս գրագետ, կարող եմ կարդալ այլ գրքերի թվում նաեւ հայոց գրքեր եւ Կրակարանը:

Եւ այս խնդրագրով դիմելով Սրբազան Սինոդին՝ խոնարհաբար խնդրում եմ ընդունել ինձ Հայ-լուսավորչական հավաքքին, ցողել ինձ սուրբ կնքավազանում Հայաստանյայց Եկեղեցու ծեսով՝ գրանցելով ինձ Հայ Եկեղեցու ծոցը, ուր ես ազապ կերպով կարողանամ խոնարհվել հայոց հավաքքին»¹⁰: 1893 թ. նոյեմբերի 29-ին Կովկասի կառավարչապետի քաղաքացիական մասի օգնականը թույլատրեց Ռահիմ Սահակյանին ընդունել Հայ լուսավորչական դավանանքը:

1893 թ. օգոստոսի 27-ին Աստրախանի թեմական կոնսիստորիան դիմեց Սուրբ Էջմիածնի սինոդին՝ խնդրելով թույլատրել Մոսկվայի քաղաքացի օրիորդ, «հրեուսի Մովսէսյան հավաքքի» Սատա Ռոզենուրալին մկրտել եւ ընդունել Հայ Եկեղեցու ծոցը: Իր խնդրանքին կից կոնսիստորիան ներկայացրեց Ս. Ռոզենուրալի ծննդյան վկայականը՝ կնքված Մոսկվայի հասարակական ռաբբի Զ. Կ. Միլոբի կողմից: 1897թ. հունվարի 31-ին Ս. Ռոզենուրալը մտնելով Հայաստանյայց Եկեղեցու ծոցը¹¹:

Հարուկ հեղափոխություն ունի 1894 թ. ապրիլի 3-ին Ամենայն Հայոց Կաթողիկոս Մկրտիչ Ա. Վանեցուն՝ Տավրիկյան նահանգի Մելիտոպոլ քաղաքի բնակիչ հրեա Մոխսի Բորիսովիչի՝ Հայոց Եկեղեցու ծոցն անցնելու խնդրանքը: Դրա հեղինակն էր Թաւմուդի հուդայադավանության եւ այլ հոգևոր գրականությունը խոր իմացող մի անձնավորություն: Ամբողջ խնդրագիրը լեցուն էր սուրբ գրքերից վերցրած հարվածներով եւ արտահայտություններով: Նա մասնավորապէս գրում էր. «Հուդայական ազգի նախնի, դաստիարակված խիստ կրոնական հոգով, հիմնովին ուսումնասիրելով հուդայության հիմնադրույթը, միտքով եւ Կրթական ծառայության ուսման մեջ եւ, վերջապէս, ուսումնասիրելով Գողգոթայի փառապալի եւ Հայ լուսավորչական Եկեղեցու մեծ պարբիսներին ուսմունքը, եւ մեծ խնդրանքով դիմում եմ Ձերդ Վեհափառությանը՝ ընդունել ինձ Ձեր Եկեղեցու ծոցը»: Մ. Բորիսովիչը իր ցանկությունը բացատրում էր այն բանով, որ վերջինս «Երկրագնդի բոլոր եկեղեցիների պարմական առաջնորդն է, նա, որը շրջապատված է Նազարեթից ուղղված փառապանքի ճաճանչապակով..., նա, որը թագավորում է արեւելքի ծայրամասում, մարդկության համար փառապալի օրրանի մոտ, նա, որը ընդունեց Սուրբ Հոգին հենց սկզբնաղբյուրի մոտ: Մա Մեծ Եկեղեցի է, որն իր հետեւից չի թողել արյան հոսքեր»: Վերջապէս Մ. Բորիսովիչի՝ Հայ Եկեղեցու ծոցն անցնելու ցանկությանը նպաստել էր, «...այն բարերար ազդեցությունը, որն իր վրա թողել էին Տավրիկյան նահանգի Մելիտոպոլ քաղաքի հարգալից Սրապիոն քահանա Սամվելյանի գերազանց ճառերը»¹²:

1895 թ. հուլիսի 1-ին Ռուսական կայսրության ներքին գործոց նախարարի փե-

¹⁰ ՂԱԱ ֆ. 56, ց. 1, գ. 8907, թ. 1:

¹¹ Տե՛ս ՂԱԱ ֆ. 56, ց. 1, գ. 8921, թ. 1-3:

¹² ՂԱԱ ֆ. 56, ց. 1, գ. 9067, թ. 1-7:

դակալը, հիմնվելով Օրենքների հավաքածուի XI հատորի 1-ին մասի 159-րդ հոդվածի համ. 1 առդիրի վրա, թույլատրեց հրեուհի Դոբա Յանկելի Բերշադսկայային ընդունել Ս. Մկրտություն ըստ Հայ լուսավորչական ծեսի: Օղեսայի նոտարի Կվամ և երեք վկաների կողմից ստորագրված վկայագրերի մեջ ասված էր, որ Դ. Յ. Բերշադսկայան պատկանում է հուդայական դավանանքին և առաջներում չի ընդունել Քրիստոնյա ոչ մի այլ դավանանք և մկրտություն¹³:

1894 թ. Ռուսաստանի կայսրության ելեմարից նախարար Ս. Յ. Վիպրեն գինու մեղանոթի օրենք ընդունեց, որի համաձայն վերացվում էր կապալային համակարգը: Սպիրտի և ալկոհոլային արտադրանքի վաճառքը դարձավ բացառապես պետության մեղանոթի, այսինքն՝ մարցվում էր այսպես կոչված «խմիչքների պետական վաճառք»: 1888 թվականին մասնավոր գինեպանները փոխարինվեցին գինու պետական կրպակներով, ինչը պետության բյուջեին բերեց լուրջ օգուտներ: Սրա հետ մեկտեղ կայսրության արևմտյան նահանգներում, որտեղ բնակվում էին մեծ թվով հրեաներ, որոնց մի զգալի մասն անմիջականորեն զբաղվում էր գինու արտադրությամբ, ուներ պանդոկներ, ցորենի պահեստներ և այլն, գրկվեց գոյության միջոցներից: Բարեփոխումների հետևանքով սնանկացածների թիվը մի քանի տասնյակ հազարից հասնում էր հարյուր հազար հրեաների¹⁴:

Խմիչքի մասնավոր արտադրությունը փակելով՝ կառավարությունը չմարտնչեց հրեաների նկատմամբ վերացնել օրենսդրական սահմանափակումները, որոնք խոչընդոտում էին հրեաներին ձեռք բերելու ավելի շահավետ մասնագիտություններ: Զրկվելով գյուղական պանդոկներում աշխատելու հնարավորությունից՝ հրեաները մեկնեցին քաղաքներ՝ ապօրինի անցնելով նստակեցության սահմանը: Այս ամենը նպաստում էր այն բանին, որ հրեաները քրիստոնեություն ընդունեն՝ իրենց գոյությունն անվտանգ դարձնելու և ապահով գոյապահելու համար:

Նկատի ունենալով ապօրինի նստակեցության սահմանափակումը՝ 1899 թ. հունվարի 22-ին Մոսկվայի գեներալ-նահանգապետ Մեծ իշխան Մերգել Ալեքսանդրովիչի ճնշման տակ ընդունվեց օրենք, որը սահմանափակում էր 1-ին կարգի հրեա-վաճառականների իրավունքները՝ ընդունվել Մոսկվայի վաճառականության (կուպեցների Ս.Կ.) շարքերը: Նման սահմանափակումները նպաստեցին այն բանին, որ հրեաների մի մասը, հասցնելով բնակություն հաստատել Ռուսաստանի կենտրոնական շրջաններում՝ այդ թվում նաև Մոսկվայում, թափանցեց Ռուսաստանի հարավային շրջաններ, հատկապես Կովկաս, որտեղ Բաքվում և Թիֆլիսում, հաջողությամբ սկսեց զբաղվել ձեռնարկարիությամբ: 1899-ի նոյեմբերի 5-ին Կերչ քաղաքի նախկին բնակչուհի հրեուհի Ռախիլ Ֆինգերտը, որը բնակություն էր հաստատել Դերբենտում, գրավոր խնդրանքով դիմեց հայ քահանա Սպանդուկուն՝ խնդրելով ընդունել իրեն «Հայ լուսավորչական Եկեղեցու ծոցը»: Շամախիի թեմական կոնսիստորիայի առջև միջնորդի դերում էին ազնվա-

¹³ Անդ:

¹⁴ Տե՛ս **А. Б. Миндлин**, *Политика С.Ю.Витте по “еврейскому вопросу”*: “Вопросы истории”, 2004, № 4, էջ 120-125:

կաններ Միքայել Նովսեփի Ավշարովը և Անդրեյ Գրիգորևը: 1900 թ. հունվարի 2-ին Ռ. Ֆինգերթըն ընդունեց սուրբ մկրտություն՝ ըստ Նայ Եկեղեցու ծեսի¹⁵:

1900 թ. նոյեմբերի 20-ին Նոր Նախիջևանի և Բևսարաբիայի թեմական կոնսիստորիայի նախանդամ Ներսես արքեպիսկոպոս Խոդավերդյանը դիմելով Ս. Էջմիածնի սինոդին հայտնել է, որ Մոսկվայի հայոց հոգևոր կառավարությանը դիմել է հրեա դեղագործ Յակով Զելիկի Լեմայիրը և խնդրել, որ իրեն ընդունեն քրիստոնեության հավատարմության և նաև այդ խնդրով միջնորդել հոգևոր բարձր իշխանության առաջ: Իր դիմումին կցված էին ա) Ռաբիի կոնսիստորիայի միջնորդագիրը, բ) Խարկովի Ռաբիի կողմից տրված ծննդյան վկայականը, գ) դեղագործի վկայականը և համալսարանի ավարտական վկայականը, դ) փողեկանք այն մասին, որ նա չի պարկանում որևիցե այլ քրիստոնեական եկեղեցու, ինչպես նաև՝ հայ քահանայի կողմից տրված փողեկանք, որ Յակով Լեմայիրը գիտի Ավարարանը և քննություն է հանձնել Նայ Եկեղեցու դավանանքի բավարար խմացության համար¹⁶:

1901թ. հուլիսի 28-ին Օդեսայի 24-ամյա հրեուհի Կլարա Խայա Գրինշտեյնը խնդրում էր մկրտել իրեն Նայ եկեղեցու ծեսով:

Քրիստոնյա հավատքի մասին ունեցած նրա գիտելիքներն ընդունեց Օդեսայի ծխարեր Գրիգոր քահանա Խորասանջյանը, որից հետո 1901 թ. սեպտեմբերի 10-ին Նոր Նախիջևանի և Բևսարաբիայի թեմական կոնսիստորիան Ս. Էջմիածնի սինոդից խնդրեց Կ. Խ. Գրինշտեյնին մկրտել ըստ Նայ Եկեղեցու ծեսի: 1901 թ. նոյեմբերի 7-ին Ռուսական կայսրության ներքին գործերի նախարարության հոգևոր գործերի դեպարտամենտը թույլատրեց «կատարել հիվանդ հրեուհու մկրտությունն ըստ Նայ լուսավորչական Եկեղեցու օրենքների»¹⁷:

1902 թ. հուլիսի 7-ին ռուսավցի վաճառականի դուստր հրեուհի Ռոզա Մոխսելի Տրեմբիցինան, որը բնակվում էր Թիֆլիսում, նույնպիսի խնդրանքով դիմեց Վրաց-խմելքեթական հայոց թեմական կոնսիստորիային՝ հայտնելով, որ ինքը «Թիֆլիսի Սարգիս քահանա Շիոյանցի հովանու ներքո սովորել է Նայ Եկեղեցու ծեսերը և աղոթքները»¹⁸: 1903թ. հուլիսի 10-ին Կովկասի կառավարչապետի քաղաքացիական մասի օգնականի պաշտոնակատարը թույլատրեց հուդայադավան Ռ. Մ. Տրեմբիցինային ընդունել մկրտություն՝ ըստ Նայ լուսավորչական Եկեղեցու ծեսի:

1902 թ. ապրիլի 26-ին Սանկտ Պետերբուրգից Մկրտիչ Ա. Վանցի կաթողիկոսին դիմեց հրեա ինժեներ Ռեյզենը, որը խնդրում էր թույլատրել իրեն ընդունել մկրտություն Նայ Եկեղեցու ծեսով: Նույն թվականի հուլիսի 19-ին ներքին գործոց նախարարության հոգևոր գործերի արքասահմանյան դավանանքների դեպարտամենտը թույլատրեց Ռեյզենին ընդունել մկրտություն, սակայն ընդգծեց, որ առաջարկում է «Միևնոյն անհ-

15 Տե՛ս ՆԱԱ ֆ. 56, ց. 1, գ. 9667, թ. 2-3:

16 Տե՛ս ՆԱԱ ֆ. 56, ց. 1, գ. 9730, թ. 1:

17 ՆԱԱ ֆ. 56, ց. 1, գ. 9931, թ. 2-6:

18 Անդ:

րաժեշտ հսկողություն սահմանել, որպեսզի ճիշտ կարարվեն հրեաներին մկրտելու գործող բոլոր սահմանված կարգերը»¹⁹:

1902 թ. օգոստոսի 20-ին Շամախիի հայկական թեմական կոնսիստորիայի առաջարկությամբ հրեուհի Զիպա Ռավինի Ֆայլը յուրացրել էր Նայ Եկեղեցու դավանանքը: Նույն թվականի դեկտեմբերի 5-ին Կովկասի Կառավարչապետի քաղաքացիական մասի օգնականը թույլատրեց Բաքվում ապրող Դերբենյու քաղաքի բնակչուհի հուդայադավան հրեուհի Զ. Ֆայլին մկրտել Նայ եկեղեցու ծեսով²⁰:

1898-1901 թթ. Նիկոլայ Երկրորդ կայսրը անհանգստացած էր հրեաների՝ նստակցության սահմանագծից դուրս հողափարածքներ ձեռք բերելու խնդրով: Այդ հարցում պարզություն մտնելու նպատակով նա ներքին գործոց նախարար Դ.Ս.Սիպյագինին հանձնարարեց մշակել օրենքի նախագիծ, որն ուղղված լիներ նման միությունների դեմ՝ տեղեկություն արգելելով հրեաներին գնել կամ վարձակալել և գրավ ընդունել անշարժ գույք:

Տեղի իշխանությունը որպես բացառություն թույլատրում էր գերեզմանների, աղոթարների և արդյունաբերական մասնաշենքերի կազմակերպումը միայն սահմանափակ հողափարածքների վրա: Սակայն այս կրթուկ հակահրեական քայլերը ոչ մի զգալի արդյունք չունեցան: Այնուամենայնիվ հրապարակվեց «Նահանգներում, որոնք չեն մտնում հրեաների նստակցության սահմանների մեջ, ժամանակավորապես արգելել կնքել որևէ կայքագրական վկայագիր» օրենքը, որը ցարը վավերացրեց 1903 թ. մայիսի 10-ին: Խոսքն այն վկայագրերի մասին էր, որոնք կապված էին գյուղական վայրերում գտնվող անշարժ գույքին փոխանակելու և օգտագործելու սեփականության իրավունքի հետ²¹:

1903 թ. հուլիսի 6-ին ներքին գործոց նախարարի տեղակալը թույլատրեց Օդեսայի բնակչուհի Ֆրեյդա Գերշոնի Սոսկինային, ըստ իր՝ մայիսի 21-ի խնդրանքի և Նայ Եկեղեցու սինոդի միջնորդության, ընդունել Սուրբ Մկրտություն Նայ Եկեղեցու ծեսով²²:

Նայ Եկեղեցու՝ Սանկտ Պետերբուրգի Ս. Կարաբինև եկեղեցու քահանա Գրիգոր Տեր-Գրիգորյանի կողմից հրեուհի Խայա - Սառա Պերեպլերչիկովային տված վկայականում գրված էր հետևյալը. «Սրանով վկայում եմ, որ Նայ լուսավորչական ծեսով մկրտվել ցանկացող Խայա - Սառա Դավիդի Պերեպլերչիկովան իմ ղեկավարության ներքո այնքան լավ է սովորել Նայ լուսավորչական Եկեղեցու դավանանքը, որ կարելի է նրան պարբերաբար համարել ընդունելու Սուրբ Մկրտություն»²³: 1903 թ. նոյեմբերի 5-ին ներքին գործոց նախարարի տեղակալը բավարարեց Խ. Պերեպլերչիկովայի խնդրանքը:

Ելնելով այն բանից, որ ժուս հեղափոխականների մեջ շատ էին հրեաներ, իշխանություններն ավելի էին ուժեղացնում նրանց վրա իրենց ճնշումը, ավելի շատ էին սահմանափակում նրանց իրավունքները: 1903թ. դեկտեմբերի 2-ին Նիկոլայ II կայսրի հրամա-

19 ՆԱՄ Ֆ. 56, g. 1, q. 9909, թ. 6, 12:

20 Տե՛ս ՆԱՄ Ֆ. 56, g. 1, q. 9955, թ. 2-7:

21 Տե՛ս **Миндлин А. Б.**, *Политика С.Ю.Витте по "еврейскому вопросу"*, էջ 123:

22 Տե՛ս ՆԱՄ Ֆ. 56, g. 1, q. 10046, թ. 8:

23 ՆԱՄ Ֆ. 56, g. 1, q. 10012, թ. 3-4:

նագրի համաձայն՝ Կառավարող սրբազնագույն սինոդն իր նիստում լսեց օրեր-պրոկուրորին և ներքին գործոց նախարարի խնդրանքով կարգադրեց հոգևոր գերապետությանը՝ թույլ չտալ մկրպեղ հրեաներին նստակեցության սահմանազլխից դուրս, առանց այնպեղ ապրելու իրավունք ունենալու: Ներքին գործոց նախարարությունը Կառավարող սրբազնագույն սինոդին ուղղեց մի գրություն, որի մեջ ասված էր, որ ներքին գործոց նախարարությունը շրջաբերական կարգադրություն է արել հռոմեա-կաթոլիկական, լյութերական և բարեմորոգչական-ավետարանչական եկեղեցիներին, որպեսզի նրանց հոգևոր պետերը նստակեցության գծից դուրս ապրող և մկրպել ցանկացող հրեաներից, եկեղեցական վեց ծիսակարգերն իմանալուց բացի, պահանջի քրեի ոստիկանությունից վկայական այն մասին, որ նրանք իրավունք ունեն բնակվելու քաղաքում, ընդ որում այն հրեաները, որոնք չեն ներկայացնի նշված վկայականները, մկրպելու համար պետք է թույլտվություն ստանան իրենց գրանցման վայրերում: Հայտնիով որ ներքին գործոց նախարարությունը խնդրում էր սինոդի օրեր - պրոկուրորին քննակցանել, թե արդյոք հնարավոր չի լինի նույնապիսի կարգադրություն անել նաև այն հրեաների համար, որոնք ցանկություն են հայտնել ընդունել ուղղափառություն: Քննարկելով Ներքին գործոց նախարարության վերոնշյալ կարգադրությունը՝ սինոդը որոշեց. «... գրավոր կարգադրել սինոդական գրասենյակներին և թեմակալ առաջնորդներին, որպեսզի նրանք, շրջաբերական հրամաններ արձակելով, իրենց ենթակա հոգևորականությանը կարգադրեն, նստակեցության սահմաններից դուրս ապրող հրեաներին թույլ չտալ ընդունել Ս. Մկրպություն, առանց նախապես ներկայացրած քրեի ոստիկանության վկայագրի, որ Ս. Մկրպություն ընդունողն իրավունք ունի ապրելու նստակեցության սահմաններից դուրս, ընդ որում այն հրեաները, որոնք չեն ներկայացնում նման վկայագրեր, պետք է հայտարարվի որ նրանք մկրպելու թույլատվություն կստանան միայն իրենց գրանցման վայրերում»²⁴:

Այնուամենայնիվ, հրեաները շարունակում էին անցնել Հայաստանյայց Եկեղեցու գիրկը:

1904 թ. հունիսի 9-ին Ս. Էջմիածնի սինոդը ներքին գործոց նախարարությունից խնդրում էր թույլատրել Օղեսայում ապրող Ժիպոմիրի գավառի Չուդնովո գյուղի բնակչուհի հրեուհի Սառա-Աիդա Ֆայերերգին, իր խնդրանքի համաձայն, մկրպել Հայ Եկեղեցու դավանանքով: Գրության հետ ներկայացվում էր. 1. Ս. Ա. Ֆայերերգի խնդրագիրը; 2. Ժիպոմիրի գավառի Չուդնովո կոմսի քրեի կողմից 1883 թ. օգոստոսի 18-ի թ. 84 չափաբերական մարյանից Ֆայերերգին քրեի ծննդյան քրեականի պատճենը; 3. Օղեսայի Հայոց եկեղեցու ավագ Գրիգոր Խորասանջյանի զեկուցագիրը՝ Ս. Ա. Ֆայերերգի կողմից Հայ եկեղեցու դավանանքին ծանոթանալու և սովորելու մասին: 1884 թ. հունիսի 22-ին Ներքին գործոց նախարարությունը թույլատրեց Ֆայերերգին ընդունել մկրպություն Հայ Եկեղեցու ծեսով²⁵:

24 ՆԱԱ, ֆ 56, ց. 1, գ. 10303, թ. 7:

25 Տե՛ս ՆԱԱ, ֆ 56, ց. 1, գ. 10144, թ. 1-11:

Վիրահայության թեմական կոնսիստորիայի աջակցությամբ և Ս. Էջմիածնի սինոդի կողմից ներկայացված դիմումի համաձայն՝ Կովկասի քաղաքացիական մասի կառավարչապետի ժամանակավոր պաշտոնակատար գեներալ Ֆրեզեն 1903 թ. հուլիսի 4-ին թույլատրեց Թիֆլիսում ապրող Ժիպոմիր քաղաքի բնակչուհի հուդայադավան Յեսե Գավրիլի Գիվերմանին մկրտություն ընդունել Նայ Եկեղեցու ծեսով²⁶:

1904 թ. մայիսի 13-ին Թիֆլիսում ազգականներից գաղարնի հրեուհի Զելդա Բենիամինի Լևինան դիմեց Վիրահայոց թեմական կոնսիստորիային՝ խնդրելով իրեն մկրտել Նայ Եկեղեցու ծեսով: 1904 թ. հուլիսի 24-ին Ս. Էջմիածնի սինոդին ուղղված իր նամակում նա գրում էր, որ իր ցանկության մասին իմացել են ծնողները և «հիմա ես հանգիստ չունեմ իմ հարազատների և ծանոթների սպառնալիքներից և հորդորներից, որոնք մտածում են, որ կարող են սպիակել ինձ հրաժարվել քրիստոնյա դառնալուց: Իհարկե, դա իրենց չի հաջողվի, որովհետև այդ իմ ցանկությունը եղել է մտածված, հիմնավորված և լիարժեք գիտակցված, և իմ հավատակիցներն ինձ պարտադրում են ստակ բարոյական ցավ, որը շարունակվելու է մինչև իմ կողմից քրիստոնեություն ընդունելու պահը»²⁷: 1904 թ. հուլիսին Ս. Էջմիածնի սինոդին գրավոր դիմեց Թիֆլիսի Ս. Նշան եկեղեցու ծխապետ Գրիգոր քահանա Շերմագյանը այն մասին, որ Նայ Եկեղեցու ծեսով մկրտվելու ցանկություն հայտնաբերած հրեուհի Զելդա Լևինան սովորել է Նայ Եկեղեցու և քրիստոնեության ծեսերը: 1904 թ. օգոստոսի 13-ին Կովկասի քաղաքացիական մասի Կառավարչապետը Զ. Լևինային թույլատրեց քրիստոնեություն ընդունել ըստ Նայ Եկեղեցու դավանանքի²⁸:

Ինչպես երևում է արխիվային փաստաթղթերից, հրեաներից շատերը քրիստոնեություն ընդունում էին անկեղծ և գիտակցաբար:

1904 թ. հուլիսի 5-ին ներքին գործոց նախարարը Կովկասի կառավարչապետին նամակ ուղղեց, որում ասված էր, որ 1904թ. ապրիլի 19-ին Պետական խորհրդի կողմից Նիկոլայ II-ին ներկայացվեց տեսակետ, որի հիման վրա անձանց անցումը մի քրիստոնեական դավանանքից մյուսը թույլատրվում էր նահանգապետների կողմից: Ցանկացողները պետք է ներկայացնեին երկու վկաների կողմից տրված տեղեկանք, որ նրանք ուղղափառություն ընդունած չեն, ինչպես նաև ծննդյան և մկրտության մասին վկայություններ: Կարծիքի 5-րդ կետում բերվում էր քրիստոնեական դավանանքների ցուցակը՝ հռոմեա-կաթոլիկական, հայ-կաթոլիկական, հայ-լուսավորչական, ավետարանական, լյութերական և այլն²⁹: Ներքին գործոց նախարարության այս հրահանգին էին ենթարկվում նաև հրեաները:

1904 թ. օգոստոսի 3-ին Շամախիի հայոց թեմական կոնսիստորիա խնդրանքով դիմեց Կիևի գավառի Ռժիցե տեղամասի բնիկ հրեուհի Իսայա Նեխամա Իուկի Գիրշիկը՝ խնդրելով մկրտել իրեն Նայ Եկեղեցու ծեսով: Նրա խնդրանքը շուրջով բավարարվեց³⁰:

26 ՆԱԱ, ֆ 56, ց. 1, գ. 9975, թ. 9:

27 ՆԱԱ, ֆ 56, ց. 1, գ. 10208, թ. 4-7:

28 Տե՛ս անդ:

29 Տե՛ս ՆԱԱ, ֆ 56, ց. 1, գ. 10231, թ. 1:

30 Տե՛ս ՆԱԱ, ֆ 56, ց. 1, գ. 10242, թ. 1-13:

1905 թ. փետրվարին Վրաստանի Թեմական քաղաքում ապրող Ելիզավետգրադի բնակչուհի հրեուհի Սառա-Էմիլ Լազարի Գրիցուսկայան դիմեց Թեմական քաղաքի Նայ Եկեղեցու ծխապետ Աբել քահանա Սուրիասյանին՝ խնդրելով մկրտել իրեն Նայ Եկեղեցու ծեսով: Քահանան բնակ էր նրա քրիստոնեական գիտելիքների խմացությունը: Ինչպես Ս. Գրիցուսկային փրկած վկայագրի մեջ գրել էր փեր Աբելը. «Նա խորությամբ ծանոթ է Նին և Նոր կրակարաններին և մասամբ նաև Նայ Եկեղեցու գլխավոր կանոններին»: Վիրահայության թեմական կոնսիստորիան և Ս. Էջմիածնի սինոդը Ս. Գրիցուսկայի մկրտության թույլատվության համար դիմեցին Թեմական նախագահներին, որը դեմ չէր, որպեսզի մկրտությունը փերի ունենա, միայն այն դեպքում, եթե Գրիցուսկայան, Կառավարող սինոդի 1903 թ. ապրիլի 2-ի թ. 6 որոշման համաձայն՝ սկզբում փերի ռաբիկանությունը ներկայացնի հրեաների նստակեցության սահմանից դուրս ապրելու թույլատվության վկայագիրը: Դա համապատասխանելու է օրենքի ուժ ստացած Կառավարող սինոդի՝ 1903 թ. դեկտեմբերի 2-ի որոշմանը:

1905 թ. հուլիսի 16-ին Ամենայն Տառնիկոս Մկրտիչ Ա. Վանեցին (Խրիմյան Տառնիկոս) կոնդակ հռչակեց Տառնիկոսայց Եկեղեցու ծեսով մկրտվողների համար: Ըստ այդ կոնդակի՝ Նայ Եկեղեցու դավանանքն ընդունողները պետք է խմանային «Տառնիկոս Մկրտ»-ը, «Ողորմեա ինձ, Աստուած» և «Որպես փափաք է եղջերու յաղբերս ջուրը» սաղմոսները, փերյակ լինելին Նայ Եկեղեցու ծեսերին: Ինչպես նաև, ըստ կոնդակի, խաղաղության արգելվում էր մկրտել մկրտվածներին և մի դավանանքից մյուսն անցածներին³¹:

1905 թ. աշնանը Ռուսաստանի կայսրության արևմտյան մարզերում սկսվեց հակահրեական ջարդերի ալիքը: Այդ պարագայում կարող էր աճել հուղապարտական հրեաների թիվը, որոնք ցանկանում էին քրիստոնեություն ընդունել: Նրանցից շատերն այդ քայլով ապահովում էին իրենց կյանքի անվտանգությունը և հրեաների նստակեցության սահմանից փերավիտվելու հնարավորությունը:

1908 թ. քրիստոնեությունը Նայ Եկեղեցու ծեսով ընդունեց Աբելման քաղաքի բնակիչ Ա.Ս. Յուզեֆովիչը³²: Ելիզավետգրադի հրեուհի Բ. Պ. Օսերինսկայան Ս. Մկրտությունն ընդունեց Սանկտ Պետերբուրգի Ս. Եկատերինեի հայոց եկեղեցում³³: Մկրտության վկան էր ուսանող Ս.Օվվյանը: 1909թ. դեկտեմբերի 16-ին այս նույն եկեղեցում մկրտվեց հրեուհի Ֆ.Պ. Կրավցը: «Ս. Մկրտության ժամանակ նա՝ Ֆեյզան, ընդունեց Նինա անունը: Վկան էր Ներսես Ներսեսի Տեր-Ներսեսովը»³⁴:

1910 թ. մայիսին Սուրբ Մկրտությունն ընդունեց Սանկտ Պետերբուրգի համալսարանի ուսանող Մ.Գերշանովիչը³⁵:

1910 թ. սեպտեմբերի 11-ին Ներքին գործոց նախարարությունը, դիմելով բոլոր թեմական կոնսիստորիաներին, պահանջում էր, որպեսզի նրանք հրեաներին քրիստոնեա-

31 «Վավերագրեր Նայ եկեղեցու պարմութեան, Խրիմեան Տառնիկոս և ցարական բռնապետությունը (1903-1907թթ.)», կազմող՝ Ս. Ս. Բեկբուդեան, Երևան, 2000, էջ 339:

32 Տե՛ս ՆԱԱ, ֆ. 1389, ց. 1, գ. 127, թ. 27:

33 Տե՛ս Նույն փերում, թ. 63:

34 ՆԱԱ, ֆ. 1389, ց. 1, գ. 126, թ. 76:

35 Տե՛ս ՆԱԱ, ֆ. 1389, ց. 1, գ. 130, թ. 44:

կան եկեղեցիներում մկրտելիս ունենան նախարարության թույլտվությունը, իսկ Կովկասում՝ Կրեդի գլխավոր պետի թույլտվությունը: Դա նշանակում էր, որ համապատասխան ապրանք պարտավոր էր ամեն մի հրեայի նկատմամբ դրսևորել խիստ անհատական մոտեցում:

Ներքին գործոց նախարար Պյոտր Ստոլիպինը 1910թ. նոյեմբերի 24-ին հաստատեց հրեաների համառոտ պնդում էր, որ Նայ Եկեղեցու թեմական առաջնորդները հրեաների մկրտելուն վերաբերվեն հաստատված գոյությունը:

1910 թ. մայիսի 8-ին և հունիսի 6-ին Սանկտ Պետերբուրգի Նայոց հոգևոր կառավարությունը Նոր Նախիջևանի և Բեսարաբիայի թեմի քահանաներին հրահանգեց Նայ Եկեղեցու գիրկն ընդունվող հրեաներից պահանջել Նայ Եկեղեցու ծեսի և քրիստոնեական դավանության ավելի մանրագին խնամք, պահանջել բոլոր անհրաժեշտ վկայականները և հետևել, որ մկրտությունից հետո նրանք կատարեն հայ հավատացյալի բոլոր անհրաժեշտ պարտականությունները³⁶:

Նույն թվի հոկտեմբերի 2-ին Գրոդնոյի նահանգի հրեաների Լեյբա Արոնի Ելսկին Սանկտ Պետերբուրգի հայոց հոգևոր կառավարությունից խնդրում էր թույլատրել իրեն ընդունել Նայ Եկեղեցու «մկրտություն ըստ օրենքի և ծեսերի»³⁷: 1910 թ. նոյեմբերի 8-ին նույնպիսի խնդրանքով դիմեց Սանկտ Պետերբուրգի բնակչուհի հրեաների Գ.Գ. Մագալի-Ֆր³⁸:

Ինչպես արխիվային փաստաթղթերից երևում է, ուրիշներից ավելի հաճախ նախարարության հոգևոր գործերի դեպարտամենտին դիմում էր Նախիջևանի և Բեսարաբիայի հայ լուսավորչական թեմական կոնսիստորիան: Դա բացատրվում է այն բանով, որ կոնսիստորիային ենթակա հայոց եկեղեցիները գտնվում էին այն վայրերում, որտեղ զգալի էր հրեական ազգաբնակչության թիվը, (Մոդովա, Ուկրաինա, Ղրիմ, Եկատերինոսլավի նահանգ և այլն):

1910 թ. սեպտեմբերին Նոր Նախիջևանի կոնսիստորիայի անդամ Մ. Զապիկյանը պաշտոնապես դիմեց Ներքին գործոց նախարարություն՝ խնդրելով ավելի սպույզ հրահանգներ փոխ «հրեական գործի» հարցով: Նա մասնավորապես գրում էր. «Նույնպես հավաքի անձանց դիմումների մեծ հոսքի հետևանքով, որոնք ցանկանում են անցնել Նայ լուսավորչական Եկեղեցու գիրկը, թեմական կոնսիստորիան սրանով պարիվ ունի խոնարհաբար խնդրելու ներքին գործոց նախարարությանը բացատրել ներկայիս հարցը, և հարկապես այն՝ արդյոք անհրաժեշտություն կա այս հարցի առնչությամբ ամեն մի խնդրողի համար առանձին դիմել նախարարությանը, թե ղեկավարվել մեկ ընդամուր կանոնով, կամ էլ հիմնվել եւս ինչ-որ օրենքների վրա»³⁹:

Ս. Էջմիածնի սինոդը 1912 թ. սկզբներին պարզապես Երևանի կոնսիստորիային «ճշմարտությամբ կատարել օրինաց XI հար. 7 հոդ. հավելված կանոնների պահանջ-

36 Տե՛ս ՆԱՄ, ֆ. 1389, ց. 1, գ. 13, թ. 52:

37 Անդ, թ. 61:

38 Տե՛ս անդ, թ. 68:

39 **В. Микаелян**, Почему и как российские евреи принимали христианство по армянскому обряду с. 7.

ները»:⁴⁰ Նույն թվականի մարտի 14-ին Սինոդը թույլատրեց մկրտել նաև Գորիս քաղաքի վերաբնակչուհի հրեուհի Ռևեկա Այզենբերգին, «պահպանելով օրենքի բոլոր պահանջները»:⁴¹ Առվկասի սահմաններից դուրս հրեաներին Նայ Եկեղեցու ծոցն ընդունելու թույլտվություն տալիս էր Ռուսաստանի Ներքին գործոց նախարարությունը: Այսպես, 1913 թ. ապրիլի 22-ին թ. 3981 գրությամբ ներքին գործոց նախարարը Աստրախանի հայոց թեմի կոնսիստորիային թույլատրեց Նայ Եկեղեցու ծեսով մկրտել Խարկովի վերաբնակիչ Լեյբ Սկլովսկուն և իր փոքրահասակ աղջկան⁴²:

1914 թ. Նայ Առաքելական Եկեղեցու ծեսով մկրտություն ստանալու խնդրանքով Մայր Աթոռ Ս. Էջմիածնին դիմեցին Թիֆլիսի բնակիչ Այզել Գուրիսը, Վրացիկավկազի բնակիչներ Մոշե Գիրշոնը և Լեոնարի Մորգուլիսը, ինչպես նաև Խարկովից Ելեն Մերսոնը:⁴³

Նայ Առաքելական Եկեղեցու գիրկն անցնող հրեաների թիվը 1914 թ. միանգամից աճեց, և դա հարկապես զգացվեց, երբ Նոր Նախիջևանի փոխանորդությունը ևս փեղի փոխանորդ Գևորգ վարդապետ Զորեքչյանը 1914 թ. սեպտեմբերի 15-ին դիմեցին Նոր Նախիջևանի և Բեսարաբիայի թեմի առաջնորդ Ներսես արքեպիսկոպոս Խուդավերդյանին թ. 208 հայտարարությամբ, ուր մասնավորապես նշվում էր, «որ հրեադավանների մուտքը Նայ Եկեղեցու ծոցը հայ ընտանիքի համար միայն կազմալուծող նշանակություն կարող է ունենալ, քանի որ այդպիսի դավանափոխություններ, ինչպես փորձը ցույց է տալիս, գլխավորապես կատարվում են ամուսնական հաշիվներով, որով կազմվում են ընտանիքներ, որոնց դաստիարակող սյունը՝ ընտանիքի մայրը, ո՛չ ծանոթ է ազգային սովորություններին և ո՛չ էլ գիտակ մայրենի լեզվին, և ուրեմն անընդունակ հայ ընտանիք կազմելու, որ եղել է ևս պիտի լինի հիմքը ազգային հոգու պահպան»:

Հենց այս հարցի կապակցությամբ Նոր Նախիջևանի փոխանորդությունում գումարվել էր քահանայական ժողով, ուր մշակվել էր «Հրեությունից Նայուսավորչական Եկեղեցու ծոցը մտնողների համար» խստապահանջ մի ծրագիր-հրահանգ:

Դավանափոխության պատրաստ հրեաները պետք է խմանային.

«Սուրբ Գրոց ուսումը». Քրիստոսի երկրավոր կյանքը: Սուրբ Կույս Մարիամի ծնունդը: Ավետման Հովհաննես Մկրտչի: Հիսուսի ծնունդը: Տեառնընդառաջ. Հիսուսի մկրտությունն ու քարոզչությունը: Տասներկու առաքյալների ընտրությունը: Հիսուսի Նաղթական մուտքը Երուսաղեմ: Խորհրդավոր ընթերիք և ուրվվա: Հիսուսի մաքրությունը, չարչարանքը, խաչելությունը, թաղումը, հարությունը և համբարձումը: Հոգեգալուստ:

Քրիստոնեական վարդապետություն. Երեսը խաչակնքել: Աղոթքի և խաչակնքելու նշանակությունը: Տերունական աղոթք և նրա բացատրությունը: Երեքսրբյան

40 «Արարար», 1912, թ. 2, էջ 102:

41 «Արարար», 1912, թ. 4, էջ 294:

42 Տե՛ս «Արարար», 1913, թ. 8-9, էջ 693:

43 Տե՛ս ՆԱԱ, ֆ. 56, ց. 14, գ. 265, թ. 13:

փառաբանություն: Թագավորի աղոթք: Նավարի հանգանակը և նրա համառոտ բացարձակությունը: Տիեզերական Ժողովներ՝ Նիկիայի, Կոստանդնուպոլսի, Եփեսոսի:

Ընդհանուր և Նայ Եկեղեցու պատմություն. Նախաձեռնող քրիստոնեության դեմ: Ս. Սյուրփանոս: Մավուդի դարձը: Պողոս առաքյալի բարոզությունները: Նախաքանի առաջին լուսավորիչներ՝ Ս. Թադեոս և Ս Բարդուղիմեոս առաքյալները, նրանց գործունեությունը և նահապետականությունը: Ս, Գրիգոր Լուսավորիչ և նրա պատմությունը:

Կարգ աստվածաշարության. Եկեղեցու նշանակությունը: Յոթ խորհուրդներ: Նվիրապետություն և նրա աստիճանները: Ս. Պարարագի խորհուրդը: Նաև ցանկալի էր, որ նորադարձները իմանային նաև հայերեն, գոնե թեթև գրել և կարդալ⁴⁴:

1914 թ. վերջին Նայ Եկեղեցու ծեսով մկրտվեցին Շամախիի թեմի՝ Բալաջարում ապրող հրեաների Գերշենֆեդը, Շուշիի բնակչուհի Մարիա Պարադիզը:

1915 թ. Նայ Եկեղեցու գիրկն անցան Վաղարշապատի բնակչուհի Պիրել Զեյդմանը, Խարկովի բնակչուհի Ռիվկա Գուրուհյը:

1916 թ. հունվարի 29-ին թ. 40 հայաբարարությամբ Նոր Նախիջևանի և Բեսարաբիայի թեմի առաջնորդ Ներսես արքեպիսկոպոսը Ս. Էջմիածնի սինոդին առաջարկեց Գետրգ վարդապետ Զորեքյանի կողմից կազմված ծրագիրը: Նույն թվականի մարտի 26-ին այդ հրահանգ-ծրագիրը հաստատվեց Վեհափառ Նայրապետի կողմից և ապրիլի 1-ին թ. 766 մակագրությամբ հանձնվեց Սինոդին ի գործադրություն⁴⁵:

1916 թ. Նայ Եկեղեցու ծոցն անցան Սոչիի բնակչուհի Օլգա Զեյդմանը, Տոբոլսկից՝ Պետև Ռիսկերը, Թիֆլիսից՝ Դվոյրա Գուկոն, Ալեքսանդրապոլի գավառի Մեծ Ղարաբիլիսայի վերաբնակչուհի Գուրա Խայկինան, ինչպես նաև Դվոյրա Ռուբինան և Վլադիմիր Վասիլևիչ Թաուոցեից:

Թիֆլիսի բնակիչ, Նովոռոսիյսկի համալսարանի իրավաբանական ֆակուլտետի ուսանող Իսիդոր Այգերեզը պարճառաբանություն չգրելով՝ գրեց. «Իմ առողջական վիճակի ծանր լինելը ստիպում է ինձ խնդրել Ձեզ հրամայել արագացնել իմ՝ Նայ լուսավորչական Եկեղեցու ծոցն անցնելը»: Նա ևս ընդունվեց Նայ Առաքելական Եկեղեցու գիրկը⁴⁶:

1916 թ. մայիսի 31-ին Կովկասի փոխարքայի դիվանը բավարարեց հրեա Մոխսեյ Սեյդմանի համանման խնդրանքը:

1916 թ. դեկտեմբերի 19-ին բաթվեցի հրեա Մոխսեյ Յանկելի Կուրովը «յուրացնելով Նայ լուսավորչական Եկեղեցու կանոնները»՝ խնդրում էր թույլատրել իրեն քրիստոնեություն ընդունել «ներքին համոզմունքով»: 1917 թ. մայիսի 23-ին նրա խնդրանքը բավարարվեց⁴⁷:

1917 թ. Նովհաննես քահանա Զուբարյանը Ս. Էջմիածնին հայրնում էր, որ Զիրեքմանը ուզում է ընդունել Նայ Եկեղեցու դավանություն: Նա իմանում էր միայն

44 Տե՛ս ՆԱԱ, ֆ. 56, ց. 14, գ. 301, թ. 1:

45 Տե՛ս ՆԱԱ, ֆ. 56, ց. 14, գ. 272, թ. 5-7:

46 ՆԱԱ, ֆ. 56, ց. 14, գ. 323, թ. 4-8:

47 ՆԱԱ, ֆ. 56, ց. 14, գ. 320, թ. 2:

«Նայր մեր» և հարցնում էր, թե հարկավո՞ր է իրեն լուրջ քննության ենթարկել: Նույնը հարցնում էր նաև ուրիշ հրեայի՝ Իոսիֆ Կոնիի մասին⁴⁸:

Նույն՝ 1917 թ. Նայ Եկեղեցու գիրկն անցան Ռեուկա Աբրամովիչը, Աննա Յուզեֆովիչը, Էստեր Գինգբուրգը՝ Բաբվից: Միգիլիա Շկաբլեսկայան՝ Աստրախանից, Իրինա Կրեյնսը՝ Պետրոգրադից, Քսենիա Պոզինան և շար-շար ուրիշներ: Էստեր Ավաժանսկայան՝ Պետրովսկից էջմիածնի սինոդին գրում էր. «Ներքին համոզմամբ վերջնականորեն և անվերադարձ ես որոշել եմ քրիստոնեություն ընդունել: Բաժանան սպուգել է իմ գիպեղիքները և որոշել է, որ ես պարտասար եմ քննություն հանձնելու, և ընդհանրապես ես ինձ քրիստոնյա եմ համարում»⁴⁹:

Նայ Եկեղեցին միշտ բարյացակամ էր վերաբերվում հրեաներին, և 1916 թ. հունիսի 7-ին Թիֆլիսում Վեհափառի հեղի հանդիպելիս հրեաների ռաբբի Մեդեյ Մարկոսը հայրենց նրան իր շնորհակալությունը⁵⁰:

Նուդայությունից Նայ Առաքելական Եկեղեցի անցումը վերջացավ Ռուսաստանում միապետության փապալումից և ժամանակավոր կառավարության կողմից 1917 թ. հուլիսի 20-ին ընդունված խղճի ազատության մասին որոշումից հետո, ուր մասնավորապես ասվում էր, որ քաղաքացիական և քաղաքական իրավունքներից օգտվելը կախված չէ հավարի պարկանությունից, ոչ ոք չի կարող հերքալովել, և ոչ մեկի իրավունքներն ու համոզմունքները չեն կարող սահմանափակվել հավարի պարճառով⁵¹:

Վերջին հրեան, որը ցանկացավ անցնել Նայ Եկեղեցու գիրկը և մկրտվել Նայ Եկեղեցու ծեսով, Ֆելդշեր Ախարդ Սամոյլովիչն էր՝ Ռոստովից, որը, 1918թ. օգոստոսի 15-ին դիմեց Նոր Նախիջևանի հոգևոր կառավարությանը⁵²:

Ամփոփելով վերոշարադրյալը՝ վստահաբար կարելի է արձանագրել հետևյալը. գրնվելով միապետական դաժան վարչակարգի և կովկասյան ցարական վարչակազմի ճնշման փակ, Նայ Եկեղեցին բարեհաճ վերաբերմունք է ունեցել բոլոր ազգերի և հավաքների, այդ թվում նաև Ռուսաստանում բնակվող հրեաների նկատմամբ: Իր գիրկն ընդունելով հուդայադավան հրեաներին, նա ուշադրություն չդարձրեց ոչ դավանական, և ոչ առաջացած կրոնական խնդիրների վրա՝ խստագույնս չբնեցնելով յուրաքանչյուր հրեայի՝ հավաքը փոխելու ժամանակ: Մայր Աթոռը հստակ գիտակցում էր, որ Նայ Եկեղեցու հավաքափոխ հրեաների մի զգալի զանգվածը, երբ հանդարտվի հակահրեական ալիքը, վերադառնալու է իր նախկին հավաքին:

48 Մարենադարան, Տիրայր վարդապետի արխիվ, թղթապանակ 134, վավ. 142:

49 Տե՛ս ՆԱԱ, ֆ. 56, ց. 14, գ. 289, թ. 5:

50 Տե՛ս «Արարար», 1916, թ. 7-8, էջ 503:

51 Տե՛ս ՆԱԱ, ֆ. 56, ց. 14, գ. 327, թ. 4:

52 ՆԱԱ, ֆ. 56, ց. 14, գ. 2754, թ. 7: